

DPC-ovo predviđanje slobodne Bosne i Hercegovine



Novi rat na Ba

Trinaestogodišnji napor međunarodne zajednice u BiH propadaju. Nastavak trenutnog puta bezuvjetno će rezul-



alkanu?

e rezultirati novim konfliktom. Bosanski građani sada su zabrinuti zbog konflikta više nego ikada poslije Dayton-a

Međunarodna organizacija iskusnih političkih analitičara Democratization Policy Council u svom posljednjem izvještaju o stanju u Bosni i Hercegovini panično upozorava na mogućnost novih sukoba. Tvrde da bošnjački političari imaju spreman scenarij odgovora na otcjepljenje Republike Srpske koji uključuje oružane sukobe. U izvještaju se navodi da nove sukobe može spriječiti samo promjena politike Evropske unije prema našoj zemlji i veće učešće Sjedinjenih Američkih Država u domaćim političkim odlukama

➤ PIŠE: Semir Mujkić

Bosnu i Hercegovinu gotovo izvjesno očekuje novi ratni konflikt koji će predvoditi naoružane grupe političkih stranaka ukoliko se Sjedinjene Američke Države i Evropska unija hitno aktivnije ne uključe u domaće političke procese, navodi se u posljednjem izvještaju *Democratization Policy Councila*, vrlo važne međunarodne organizacije za političko istraživanje i analizu. U ovom izvještaju se također navodi da bošnjački političari imaju scenarij podjele Republike Srpske na dva dijela zauzimanjem gradova sa

bošnjačkom većinom ukoliko **Milorad Dodik** proglaši otcjepljenje RS-a od Bosne i Hercegovine.

*Trainaestogodišnji napor međunarodne zajednice u BiH propadaju. Nastavak trenutnog puta bezuvjetno će rezultirati novim konfliktom. Bosanski građani sada su zabrinuti zbog konflikta više nego ikada poslije Dayton-a. I EU i SAD imaju mnogo da izgube, navodi se u prvom paragrafu izvještaja *Kako izvući BiH iz čorsokaka Kurta Bassuenera*.*

Pogrešne procjene Dodika i Silajdžića

U ovom izvještaju *Klizanje prema >>*



Dodik i Silajdžić: Glavni krivci za krizu u BiH

ponoru: Evropska politika za Bosnu iz novembra prošle godine, detaljno su objašnjeni scenariji u slučaju odvajanja RS-a. Jedan bošnjački zvaničnik izjavio je za DPC da ukoliko se RS pokuša otcijepiti, u Sarajevu ima 500.000 Bošnjaka, a samo 70.000 Srba između njih i Drine.

Drugi bošnjački zvaničnici i stranačke vođe spomenuli su odgovaranje na otjecanje RS-a presjecanjem ovog entiteta na dva dijela kod Brčkog, ponovnim zauzimanjem gradova sa bošnjačkom većinom kao što su Foča i Višegrad i većina istočnog dijela RS-a. Drugi su spomenuli navodne dogovore sa Hrvatima koji im dozvoljavaju da trajno zauzmu tradicionalne hrvatske dijelove sjeverne Posavine, navodi se u izvještaju iz novembra.

Autori ovih izvještaja James Lyon, Eric A. Whittle i Bassuener, smatraju da je, uprkos potpisivanju Ugovora o stabilizaciji i pridruživanju u jelu prošle godine, BiH u posljednje tri godine samo nazadovala. Period kakvog-takvog napredovanja od kraja rata naovamo, konačno je prekinut obaranjem aprilskog paketa 2006. godine, smatraju autori izvještaja, a kao glavnog krivca za to navode Harisa Silajdića.

Paket ustavnih reformi nije prošao najvećim dijelom zbog Silajdićevog ponovnog ulaska u bosansku politiku, što je natjeralo njegovu stranku da prekrši ranije obećanje. Ova reforma bi značila da se članovi Predsjedništva BiH-ju u Parlamentu a ne direktno. S obzirom na relativno slab položaj njegove stranke u odnosu na SDA, Silajdić je znao da ima slabe šanse da postane predsjednik, piše u novembarskom izvještaju.

Ipak, glavnu odgovornost za bosanski čorsokak, kako je nazvana trenutna situacija, snose prije svega EU ali i SAD. Odluka da se OHR ne mijesha u domaću politiku i da se ključne odluke prepuste vodećim političarima ocijenjena je katastrofalnom.

Sa druge strane, traženje od Bosanaca da preuzmu vodstvo u nefukcionalnom ustavnom uređenju i traženje od njih da ga reformišu neiskren je kao i zahtjev da vozite biciklo sa kockastim točkovima, iskrivljenim governal-



Clinton: Analitičari prognoziraju da višesedmični izbor novog visokog predstavnika i konsultacije sa SAD-om mogu biti znak nove i aktivnije međunarodne politike prema BiH

ama i bez lanaca sve do Brisela, piše u izvještaju iz novembra.

Jasno je, navodi se u izvještaju od prije nekoliko dana, da je prisustvo međunarodne zajednice u BiH sve samo ne gotovo i da što prije treba prihvati činjenicu da njeno prisustvo mora biti trajno.

Novi rat

DPC je napravio deset preporuka za izlazak iz krize koje, između ostalih, podrazumijevaju puno veće učešće SAD-a u donošenju odluka te strogo kažnjavanje antidejtonskih aktivnosti, kako su to radili vi-

soki predstavnici prije Christiana Schwarz-Schillinga.

Democratization Policy Council je međunarodna organizacija za istraživanje, analizu, zagovaranje i promoviranje domokratizacije širom svijeta. Posebnu pažnju ovo vijeće posvetilo je balkanskim zemljama među kojima je najčešće riječ o BiH. Vijeće je 2005. godine osnovala grupa analitičara i stručnjaka za međunarodne odnose. Članovi ove organizacije su uglavnom magistri i doktori društvenih nauka. Njihova predviđanja do sada su se uglavnom pokazivala tačnim a njihove izvještaje

koriste vlade širom svijeta.

Kurt Bassuener je radio u OHR-u u vrijeme pripremanja aprilskog paketa. Ovaj magistar evropskih studija također je bio angažiran kao politički analitičar OSCE-a u Ukrajini te, između ostalog, u Balkanskom institutu. Njegovo poznavanje političkih procesa u našoj državi je neupitno pa je scenarij, u koji stanovnici BiH vjerovalno odbijaju vjerovati, ipak, vrlo vjerovatan.

Prudski sporazum ocijenjuje neozbiljnim odnosno kao još jedan učinkovit način da vodeća trojka kupi vrijeme kod glasača i međunarodne zajednice. Osim državnog budžeta i dogovora o Brčkom ostatak dogovora nije moguće realizirati u sadašnjim okolnostima, ocjenjuje se u izvještaju. OHR jednostavno mora bezuvjetno tražiti što brže provođenje formule 5+2 kako bi BiH izbjegla konflikt, zaključak je izvještaja.

Ova formula u kojoj je sadržano pet ciljeva i dva uslova podrazumijeva rješavanje problema državne i vojne imovine, rješavanje statusa Brčkog, monetarne održivosti i uspostavljanje vladavine prava te uslove potpisivanje Sporazuma o stabilizaciji i pridruživanju i pozitivnom ocjenom Vijeća za provedbu mira o provedbi Dejtonskog sporazuma. Autor izvještaja Bassuener smatra da bi jedino navedene mje-

Deset DPC-ovih preporuka za izlaz iz čorsokaka

Za EU:

- Izabratи politički sposobnog vođu za visokog predstavnika
- Odrediti jasne smjernice za ustavne reforme i postaviti ustavne reforme za srž mandata specijalnog predstavnika EU
- Dati specijalnog predstavniku EU autoritet da se suprotstavi antidejtonskim aktivnostima
- Osigurati da EUFOR ima dovoljan operacijski kapacitet širom države da sprječi i odgovori na prijetnje javnoj sigurnosti u Dejtonskom mirovnom sporazumu
- Ovlaštiti specijalnog predstavnika EU da odlučuje o ispunjenosti uslova za ulazak u EU i dati mu mogućnost sankcije

- Osvlastiti specijalnog predstavnika EU da odlučuje o ispunjenosti uslova za ulazak u EU i dati mu mogućnost sankcije
- Osigurati da specijalni predstavnik posjeduje kapacitete za istrage protiv organiziranog kriminala i korupcije
- Održavati širu međunarodnu koaliciju u BiH

Za Vijeće za implementaciju mira

- Insistirati na punom ispunjenju formule 5+2 prije zatvaranja OHR-a

Za Sjedinjene Američke Države

- Izabratи specijalnog izaslanika za Balkan kako bi se pokazala angažiranost i promoviranje jedinstvenosti međunarodne politike SAD-a

- Odrediti američkog zastavnika u NATO-ovom sjedištu u Sarajevu kako bi odredio mogućnosti za vježbu i trening

re promijenile sadašnju politiku koju je nazvao *igrom ratnih gospodara bez oružja, još uvijek*.

Važno je da u BiH postoje znakovi političara koji se naoružavaju kroz policijske snage, privatne zaštitarske firme i lovačka društva. Njihove mogućnosti su nepoznate jer su zbog ignoriranja EUFOR-a neregulirani na državnom nivou. Oni su sada potencijalna psihološka realnost. Kao rezultat ovih faktora, građani svih etničkih pripadnosti, posebno povratnici gdje su u manjini, sada se više bave obnovom konflikta nego u bilo kojem trenutku nakon rata, navodi se u izvještaju DPC-a.

Analitičari prognoziraju da višesedmični izbor novog visokog predstavnika i konsultacije sa SAD-om mogu biti znak nove i aktivnije međunarodne politike prema BiH. ■